

## “AWIT NG PAGTITIWAWLA SA DIYOS”

- <sup>1</sup>Siyang naghahangad ng pagkupkop ng Kataas-taasan at nanatili sa kalinga niyong makapangyarihan.
- <sup>2</sup>Makapagsasabi sa kanyang Panginoon, "muog Ka't tahanan Ikaw ang aking Diyos, ang Diyos na tangi kong pinagtiwalan.
- <sup>3</sup>Ikaw'y ililigtas Niya sa panganib sa umang na bitag. At kahit ano mang mabigat na salot di ka magdaranas.
- <sup>4</sup>Lulukuban Niya sa lilim ng Kanyang malabay na pakpak, sa kalinga Niya ay natitiyak mo na ikaw ay ligtas; iingatan Niya't ipagsasanggalang, pagkat Siya'y tapat.
- <sup>5</sup>Pagsapit ng gabi, Di ka matatakot sa anumang bagay, maging sa gagawing biglaang paglusob pagsapit ng araw.
- <sup>6</sup>Ni sa ano pa mang darating na salot pagkagat ng dilim, di ka matatakot sa kasamaan manga raw kung dumating.
- <sup>7</sup>Kahit na mabuwal sa iyong harapan ang sanlibong tao, di ka matatakot at natitiyak mong di ka maaano.
- <sup>8</sup>Ikaw'y nagmamasid at sa panonood iyong mamamasdan, yaong masasama ay makikita mong pinarurusahan.
- <sup>9</sup>Sapagkat si Yahweh ang iyong ginawang tagapangsanggalang at ang pinili mong mag-iingat sayo'y Kataas-taasan.
- <sup>10</sup>Di mo aabuting ikaw'y mapahamak, at walang daratal kahit anong uring mga paghihirap sa iyong tahanan.
- <sup>11</sup>Susuguin Niya ang maraming anghel, silang susubaybay, kahit saang dako ikaw maparoon, tiyak iingatan.
- <sup>12</sup>Sa kanilang palad ay itatayo ka't silang magtataas. Nang hindi masaktan ang mga paa mo sa batong matalas.
- <sup>13</sup>Kahit ang tapakan mo ay mga leon , ahas na mabagsik, di ka maaano sa mga serpiyente't leong mababangis.
- <sup>14</sup>Ang sabi ng Diyos, "Aking ililigtas ang tapat sa Akin at iingatan Ko ang sinumang taong Ako'y kikilanlin.
- <sup>15</sup>Pag silay tumawag, laging handa Ako na sila'y pakinggan, Aking sasamahan at kung may hilahil ay sasaklolohan, Aking ililigtas at ang bawat isa ay pararangalan.
- <sup>16</sup>Sila'y bibigyan Ko't gagantipalaan ng mahabang buhay at nakatitiyak na ang tatamuhin nila'y kaligtasan!